



Cussegliera federala Eveline Widmer-Schlumpf (san.) ed Elisabeth Mani-Heldstab, candidata per il cussegl naziunal.



Andy Kollegger (san.), il candidat da la pbd per il cussegl naziunal e Gieri Luzi, il manader dal cumbat electoral.

FOTOS G. N. STGIER

Dapli fairness tar ils affars da finanzas

La Partida burgais-democratica ha envidà ad in brunch

DA GION NUTEGN STGIER / ANR

■ **Buna atmosfera tar l'emprim brunch da la Partida burgais-democratica dal Grischun sonda passada en la chapitala grischuna. Giast tar l'ensolver è stada cussegliera federala Eveline Widmer-Schlumpf. Ella sa chatta ventiraivla en ses departament e vul en l'avegnir procurar per stabilitad e gistad en il sectur finanzas.** Sco gia la Partida cristiandemocratica, la Partida liberaldemocratica ha uss er la Partida burgais-democratica (pbd) da noss chantun retschet cun Eveline Widmer-Schlumpf in commember dal cussegl federal tar ina da las occurrenz dal cumbat electoral. Envidà ha la pbd betg ad ina occurrenza cun ina discussiun al podi, mabain ad in brunch public. En l'avegnir duai il brunch da la pbd grischuna avair lieu mintg'onn, ha ditg Andy Kollegger, il pledader da pressa da la pbd. Quai saja ina buna occasiun per vegnir pli manavel als commembers, als simpatisants ed in summa al suveran, ha ditg il Surmiran che vul er ir a Berna en il cussegl naziunal. En il center da quel brunch duaian betg star ils temas politics, mabain plitost la cum-

pagnia e l'amiaivladad. Sco quai ch'il brunch da 1. d'avust vegnia organisà dals purs savessia la pbd en il futur eventualmain organisar in brunch il di da la mamma.

S'engaschar per la golvaziun da finanzas

En ses pled da bainvegni ha Jon Domenic Parolini, il presiedent da la pbd grischuna, ditg che en l'avegnir dovria il Grischun represchentants a Berna che s'engaschian per la chausa gist quai che pertutga la golvaziun da finanzas. Per las regiuns periferas, sco il Grischun, saja i da gronda impurtanza dad er pudair profitar da la golvaziun da finanzas. Noss chantun dovra a Berna er represchentants che elegian ils 14 da december 2011 danovmain Eveline Widmer-Schlumpf en il cussegl federal. «Jau tegn betg bler da retschertgas e tuttina è sa mussà che 73% en Svizra en per ina reelecziun da nossa cussegliera federala», ha accentuà Jon Domenic Parolini. El ha ditg che Svizzers elegian Eveline Widmer-Schlumpf e Grischuns en mintga cas. Ella haja prestà fitg buna lavur e quai cunzunt er durant la davosa sessiun en connex cun finanzas e bancas.

Qualitad e betg quantad

Eveline Widmer-Schlumpf ha ditg ch'ella sa chattià bain a Berna e mainia cun plaschair il departament da finanzas. Er sche la fracziun da la pbd saja ina pitschna vali qua davairas il motto: La qualitad è decisiva e betg la quantad. Pli gugent esser en ina partida ed en ina fracziun independenta che èn ina partida cun be in tact central. Sco manadra dal departament da finanzas vul ella procurar en l'avegnir per ina stabilitad ed ina giustia tar las finanzas. «Nus avain da procurar per bunas perspectives per la generaziun vegnenta», ha ditg la cussegliera federala. I dastga betg esser ch'ils pajataglias hajan da surpigliar ils risicos da las bancas. Mintgin haja da surpigliar sez la responsabladad dad in risico. In buna politica da finanzas saja betg mo da spargnar, mabain er d'investar en il dretg mument. Eveline Widmer-Schlumpf ha appellà tar il brunch da sonda passada per dapli «fairness» tar ils affars da finanzas e da l'economia. Ella ha ditg ch'ils importaders vessian er da dar vinavant il gudogn als consuments.



Bab e figl e tuts dus commembers da la pbd, Wieland Grass (san.) e Walter Grass, deputà.



Clers plets da Jon Domenic Parolini, il presiedent da la pbd da noss chantun.



Cussegliera federala Eveline Widmer-Schlumpf cun musicantas e musicants da la Musica da purs da Cazas.



Pli tgunsch ina da las pli giuvnas simpatisantas da la pbd, lva cun ses tat Alfred Candinas.



Buna atmosfera tar il brunch da la pbd en la halla dal cussegl da la citad da Cuira.



Cusseglier guvernativ Hansjörg Trachsel e Brigitta M. Gadiant, la cussegliera naziunala da la pbd che sa retira suenter 16 onns.